

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

12. Ineptissimi medicastri ridicula remedia.

urn:nbn:de:hbz:466:1-45701

talis medicus, se examinat, an conuenientem ægro quæsuerit medicinata? quotus quisque à se rationem exigit, an non ipse sua imperitia alteri fuerit caussa moriendi? Si vigilasset, si libros volutasset, si se peritiores interrogasset, defunctum in vita retinuisse. Si nescitis, o miseri, etiam negligere, apud vos, est occidere. Et tamen quotus se quisque de hoc homicidio, apud sacerdotem accusat? Ite ad cœmeteria, obite tumulos sepultorum; epitaphia, cippes, & sepulchralia saxa, atque in illis nomina legitæ mortuorum. Quoties conscientia vobis dicet; *Etiam hunc curare debuisses, immo potuisses, nisi ad eum è coniuio nimis serè, aut ebrios venisses?* Quòd si conscientia vestra tam est stupida, ut obmutescat, ipsos defunctos audite è sepulchris ad vos clamantes: *Tu me occidisti: Tu a inficitia, tua negligentia, tua intuicia, tua nimia cupiditas pecuniarum, mihi vitam ademis; quam si per te habarem, DEO servirem, diuinam potentiam & benignantatem laudarem.* Nunc hic jaceo, & raco inter silentes, tua victima; tuus error; tua infamia; qui, si vinicerem, tua gloria, tuus honor fuissim. Nam numquid narrabit aliquis in sepulchro misericordiam tuam, & veritatem tuam in perditione? Numquid, cognoscetur in tenebris mirabilia tua, & justitia tua in terra oblinio? Quamquam autem nemo aunc audiat defunctos ita è sepulchris loquentes, certè tamen, ita loquentes ad diuinum tribunal, totus mundus est auditurus;

XII.

Quamobrem ijs, qui medicinæ dant operam, seriò inculcandum est, ne putent esse rem frivolam, aut parui momenti. De vita hominis agitur. Itaque non perfunctoriè audiendi sunt, neque quiuis, sed excellentissimi in hac arte magistri. Quorum non satis est dictata legere, sed etiam consilia audire, obseruare praxes, ijs adesse, quoties ægrotis adsunt; omniumque experientiarum caussas intimas curiosissime indagare. Alioqui continget, quod dicitur duobus omniū mortalium ineptissimis medicastris contigisse. A iunt enim, fuisse quempiam minimè callidum hominem, qui cum in Rheticis scholis audiisset medicos jurisconsultis longè fieri locupletiores, illico apud se staterit, per studia medicinæ dicescere. Emissus ergo è Gymnasij ad Academiam evolauit. Et quia illi ingenium pro Philosophicis subtilitatibus non erat idoneum, omissa Logica, Physicis quoque

quoque ac Metaphysicis insuper habitis, statim animum appulit, ad Hippocratis & Galeni scita perdiscenda. Quoniam autem agnouit mentis suae imbecillitatem, censebat, quod ingenio debeat, labore compensandum, eam igitur sequi voluit factorem, quæ ab experimentis se cognominat, empiricen. Rogavit itaque professorem suum, ut, si quando ad ægros vocaretur, se, seu comitem & Achatem, seu discipulum, seu etiam famulum, ascisceret, sineretque audire consilia, & remedia singula describere, & in librum ad id destinatum annotare. Facile impetravit, quod petiit mens tam alba, apud quam nullius doli suspicio timebatur. Quid-autem aliud ageret simplex homo, quam ut Coum illum Hippocratem imitaretur? Is, cum fuisset mos, liberatos morbis scribere in templo (Æsculapij) quid auxiliatum esset, ut postea similiando proficeret, exscripsisse ea traditur. Pari pacto iste magistrum suum assidua umbra sequebatur, & quidquid illum suadentem, vel dictantem audiebat, illico referebat in suum palimpsestum. Quem quidem intra paucos menses impluerat. Libro pleno, jam & ipse plenus superbia, putabat se medicum factum. Itaque famam pariter & pecuniam aucupans, statim coepit animas humanas negotiari. Nec defuerunt, qui decipi vellent. Miserum enim vulgus magna pollicentibus facile credit. Palamque est, ut quisque inter istos loquendo polleat, imperatorem illico vita nostra neciique fieri. Quod igitur ingenio defuit, auct. hist. c. 1.

Plin. lib. 29ⁱ
nat. hist. c. 3.

linguâ compensauit; ipsa se fata regere posse professus. Sed non diu triumphat vanitas, nemine prodente agnoscitur. Primum remedium, quod à magistro ad dysentericum sanandum prescripsum annotarat, erant pulli in ipso ovo decocti, admixta vini austeri hemina, & pari modo olei pollenta: vocatus ergo scholasticus iste ad primum ægrum, ut ex veruecum patria esse deprehenderetur, primum à se notatum remedium prescripsit; & quod erat absurdius, æger ad quem vocabatur, prorsus contrario malo labrabat, nam sedem diu nullam habuerat, ventris beneficio destitutus. Itaque ex ægro fecit ægriorem, & qui antea difficulter, jam nihil omnino poterat egerere. Ita etiam processurus erat cum alijs morbo affectis. Nam secundo, secundum à se notatum remedium, tertio tertium prescripturus erat, quo cumque

demum morbi genere laboraret; nū fama ad magistrum peruenisset, qui eius inscitiam ac stuporem acerrimis verbis castigauit; eumq̄e posthac non casu, sed ratione vti jussit. Arripuit dictum solers discipulus, & vocatus ad podagricum, palimpsestum inspexit, reperitq̄e à magistro suo suāsum capite dolenti ex catarrho, vt pedes lauaret. Bene est, inquit, contraria contrarijs curantur. Magister meus capit is dolorem lotione pedum sustulit, tu igitur, si pedum vis dolore leuari, caput laua. Voluit, credo, ei podagram in caput euocare. Cū ergo etiam hīc se ridendum præbuisset, apud tertium existimauit, falli sc̄ non posse. Nam ad eum adierat, cui jam dudum magister suū dederat pharmacum, quo sumpto conualuit ægrotus. Recurrente ergo eodem morbo, idem ei pharmacum præbuit, quo priùs conualuerat. Sed sine effectu, non enim sensit remedium ægrotus, sed peiùs habebat. Admiratus ergo, q̄i factum esset, vt eadem medicina, quæ priùs depulisset morbum, postea magis aggrauaret, cucurrit ad magistrum, & cum eo expostulauit, quòd remedium sibi non bona fide patefecisset. Cui ille, Fateor idem fuisse pharmacum, sed ideo non profuit, quia ego non dedi. Indignatus magis discipulus, Ecquid, ait, manus mea æquè est bona, ac tua? Æquè bona, respondet magister, sed non æquè docta; quia nondum didicit, quando, & quomo- do danda sint pharmaca. Quæ prosunt juueni, nocent seni; quæ juuant cælo tepido, lədunt frigido. Ad multas ars ista atten- dere debet mutationes. Hæc vbi audiuīt discipulus, anxiūm despondit, atque ex medico factus est cadaverum funerator, Diaulus appellatus, vt homines innocentius sepeliret: quem, ajunt etiam reliquis absurdis hoc addidisse, vt ex propriæ vrinæ inspectione, de alienis morbis ariolaretur, putans, in medico, tamquam in speculo, omnes omnium affectiones relucere.

XIII.

Alter cum hoc de stupiditate certans, cū vidisset, magi- stro suo ingens nomen accedere, ea caussa, quia plerumque ex- plorato venæ motu, dicebat, quid noxiūm æger comedisset. Hanc artem ab eo prece & pretio extorsit discipulus, sed sub ar- eani fide. Dixit ergo ei magister, se id non è vena, sed aliunde- scire. Si enim cortices peponum, pomorum, nucum, raporum,

raphae-